

P. 713, L. 4【說是經典】《法華經演義》卷 7：「現種種身者。即是現十界身也。處處者。即是同居、有餘等土也。說是經典者。則知現身雖殊。所說唯是妙經。才顯妙音神力流通。令聞者隨其自分即佛乘也。」(X33,p.285b21-24)《法華經通義》卷 7：「以妙音因從妙法入佛知見。由破二執。得淨二障。已證平等真如。今從真如三昧起。進入九地以至等覺。居法師位。而以三昧力。現十界身。將說現身。故先標總相也。」(X31,p.594b4-8)

P. 713, L. 5【梵王身等】《法華經大成》卷 9：「梵王即色界天主也。帝釋即地居天主也。自在天即欲界頂。梵云婆舍波提。此云他化自在。…大自在即色界頂。摩醯首羅也。…毗沙門此云多聞。以福德之名聞四方故。即北方天王也。」(X32,p.525b9-16)《法華經授手》卷 9：「欲界舉帝釋、自在二天。則夜摩、兜率、化樂攝入其中矣。色界舉梵王、大自在。餘皆攝盡。不敘空界者。以無形色故。天大將軍者。天台釋。散脂修摩為天大將軍。其形八臂。騎孔雀。擎鷄。持鐸。捉赤幡。統轄三十八部。巡遊世界。賞善罰惡。故稱天大將軍也。此或統欲色諸天。有此勇健之軍。以天大二字。揀異毗沙門諸小將軍也。毗沙門者。智論謂福德之名。多聞四方。乃北方天王也。攝東南西等三軍。此明妙音示現於三界二十八天。現一一形。說此妙法也。」(X32,p.802c1-10)

P. 713, L. -6【皆能救濟】《法華經授手》卷 9：「要解云。諸應皆言現身說經。獨於惡趣不言者。惡趣方沉幽昏。無由聞經。但以神力救濟而已。」(X32,p.803a2-3)

P. 713, L. -6【乃至於王後宮】《法華經授手》卷 9：「知音云。此應譯著現長者婦女之前。而置於末者。以王宮禁制。不便遊化故也。天人最樂之地。三途極苦之場。而菩薩一一皆能現身說法。豈王宮返不能令此法流通耶。但王宮嚴禁之所。非泛泛可得而行。唯菩薩能現女身。乃可說法。故加乃至二字。及變為女身句。以見難說。而能說者妙音力也。直指云。已上皆是九地十地證法華三昧。能於六道周旋往返。以此法華。普接十類眾生。至如來地。故名為妙。然此二地。於機不擇者。乃悟眾生平等。於法則有所擇。而獨說大乘。所謂一相一味三昧也。至普門品。則隨位隨機。即俗而真。故為妙行。」(X32,p.803 a5-15)

P. 713, L. -5【能救護娑婆世界者】《法華經授手》卷 9：「前兩句明妙音實為娑婆眾生之恃怙也。救護眾生者者字最重。即指妙音能為現形說法之主。」(X32,p.803a18-20)《法華經大成》卷 9：「菩薩種種變化現身說法。於神通變化智慧無

損減者。明妙音所證自利之實智。謂證得此智。能觀一切法。盡歸真如。平等自性。不增不減。於一切法。皆如實知故。智慧明照者。方便開導也。各得所知者。隨類各解也。是妙音所用利他之權智。方便開導。因緣譬喻。一音所說。隨機得解也。」(X32,p.525c8-13)《法華經指掌疏》卷7：「正結神智。夫法身無相。應物而形。般若無知。對緣而照。對緣而照故。照即無照。應物而形故。形即無形。形既無形。萬機頓赴而不勞。於神何損。照既無照。千問殊對而無慮。於智何減。所謂紘紘自彼。於我何為者。此也。是菩下。以此例餘。雖專弘法華。而開導隨機。故云若干智慧。令無上菩提。而人人有分。故曰明照娑婆。應種者種。應熟者熟。應脫者脫。故云各得所知。然妙應不滯一隅。大化豈揀殊方。故云十方沙界。亦復如是。應化世間竟。」(X33,p.676a6-14)

P. 713, L. -3【各得所知】《法華經授手》卷9：「前言救護。是隨類說法。令其脫苦。此言各得所知。是隨類各解。使其得樂。謂菩薩慈悲普及也。若干智慧明照者。顯菩薩方便之多。於十方恒沙下。推廣其益。又不止娑婆與淨光莊嚴中。使一切眾生離苦得樂。更於十方恒河沙世界中。而神通智慧亦無所損也。足見以神通遊戲現種種身。以智慧照明說此妙法。其三昧威神。真不可思議者也。」(X32,p.803b2-8)

P. 714, L. 2【應以滅度而得度者】《法華經授手》卷9：「知音云：前敘六凡。重所應機。說世間人天乘五戒十善之妙法也。此敘四聖。重能應教。說出世間小中大頓圓之妙法也。……此土、彼土、十方恒河沙土。同時遍應。無不皆然。故曰如是種種等也。問：菩薩何以能現佛身？答：初住尚能分身百界。況妙音之深位耶。…前段明菩薩現六凡身。為說妙法。於此界他方。已見神通遊戲之不可思議也。今於四聖人中。亦能現身說法。則慧炬照明。猶不可思議也。若但現凡。而聖不能現。又何以當妙音之稱。知音云：上明妙音證獲法身、般若。此方明證獲解脫德也。謂菩薩不唯現身在此。即應以涅槃得度者。亦於無生滅中示生滅也。此如本會如來唱滅。大眾感悟。同意。此以結成所問善根功德也。謂如汝所問。而妙音所修所種成就如是大神通遊戲如是。大慧炬照明普益有情。其事如是也。」(X32,p.803b10-c10)

P. 714, L. -4【住是三昧】《法華經大成》卷9：「菩薩住此三昧。如淨摩尼。隨方現色。難思妙行。根於此矣。」(X32,p.526a2-3)《法華經授手》卷9：「一切色身為所現。即前十法界身是也。法身為能現。即前不起於座。身不動搖者

是也。然法身為一切色身之主。一切色身為法身之莊嚴。…雖酬華德。亦是答文殊所問行何三昧。願為我等說是三昧名字也。」(X32,p.803c18-23)

P. 715, L. 3【三昧、陀羅尼】《大智度論》卷 28：「問曰：陀羅尼門、三昧門，為同？為異？若同，何以重說？若異，有何義？答曰：先已說三昧門、陀羅尼門異，今當更說！三昧但是心相應法，陀羅尼亦是心相應、亦是心不相應。問曰：云何知陀羅尼是心不相應？答曰：如人得聞持陀羅尼，雖心瞋恚亦不失，常隨人行，如影隨形。是三昧修行習久，後能成陀羅尼；如眾生久習欲，便成其性。是諸三昧，共諸法實相智慧，能生陀羅尼；如坏瓶得火燒熟，能持水不失，亦能令人得度河。禪定無智慧，亦如坏瓶；若得實相智慧，如坏瓶得火燒成熟，能持菩薩二世無量功德，菩薩亦因之而度得至佛。如是等，三昧、陀羅尼種種差別。」(T25,p.269a23-b7)

《法華經授手》卷 9：「妙樂云。現色身名三昧。音聲名陀羅尼者。語言與色身。但是身口之異耳。豈現身不能說法耶。從事雖別。其理必同。三昧從定。陀羅尼從慧。即不思議定慧。故得互用耳。」(X32,p.804a8-11)《妙法蓮華經文句》卷 10：「又舌根清淨名陀羅尼，餘根清淨名三昧，都是六根清淨法門耳。」(T34,p.144c19-20)《法華文句記》卷 10：「又舌下。判三昧與陀羅尼，祇是真位六根耳。」(T34,p.356b16-17)「真位」：六根清淨位（相似即）、六根互用（分證即）。此處所指，應是圓初住以上，乃至等覺位之分真位。

六根離染污得清淨時，一一根互具他根的作用。北本《涅槃經》卷二十三云（大正 12·503a）：「如來一根亦能見色、聞聲、嗅香、別味、覺觸、知法。」《法華經》卷六謂，菩薩至六根清淨位，亦得六根互用之德。《楞嚴經》卷四（大正 19·123b）：「不由前塵所起知見，明不循根，寄根明發，由是六根互相為用。阿難汝豈不知，今此會中，阿那律陀無目而見，跋難陀龍無耳而聽，殞伽神女非鼻聞香，驕梵鉢提異舌知味，舜若多神無身覺觸，如來光中，映令暫現，既為風質，其體元無；諸滅盡定得寂聲聞，如此會中摩訶迦葉，久滅意根，圓明了知，不因心念。阿難！今汝諸根，若圓拔已，內瑩發光，如是浮塵及器世間，諸變化相，如湯銷冰，應念化成無上知覺。」～《中華佛教百科全書》